



**MAJLIS PENYAMPAIAN DIVIDEN RTBB, DIVIDEN TSK DAN  
ZAKAT ANAK SYARIKAT RISDA NEGERI TERENGGANU  
TAHUN 2008**

**UCAPAN ALUAN**

**TN. HJ. MOHAMAT BIN MUDA  
PENGARAH BAHAGIAN TANAM SEMULA & PERLADANGAN  
MEWAKILI KETUA PENGARAH RISDA**

AKADEMI BOMBA & PENYELAMAT,  
WAKAF TAPAI, TERENGGANU  
22 SEPTEMBER 2008  
3.30 PETANG

Yang Berusaha Saudara Pengerusi Majlis

Yang Berbahagia Tan Sri Rahim bin Tamby Chik  
Pengerusi RISDA Malaysia

Yang Berhormat Dato' Mohamed bin Awang Tera  
Pengerusi Jawatan kuasa Pembangunan Luar Bandar, Usahawan  
dan Koperasi Negeri Terengganu

Yang Dihormati Pn. Zainabon bt Ismail  
Pengaroh RISDA Negeri Terengganu

Dif-Dif jemputan, Tuan-Tuan dan Puan-Puan yang dihormati  
sekalian

**Assalamualaikum Warahmatullahi Wabarakatuh,**

## **1.0 PENGHARGAAN**

Marilah kita bersama-sama pada hari ini memanjangkan kesyukuran kita kehadiran Allah S.W.T kerana dengan limpah, kurnia dan rahmatNya dapat kita berkumpul di sini bagi Majlis Penyampaian Dividen Rancangan Tanam Baru Berkelompok (RTBB), Dividen Tanam Semula Komersial (TSK) dan Zakat Anak Syarikat RISDA Negeri Terengganu Tahun 2008. Terlebih dahulu saya mengambil kesempatan di sini untuk menyampaikan salam daripada Yang Berbahagia Dato' Mohammad Izat Hasan, Ketua

3

Pengarah RISDA yang tidak dapat hadir pada hari ini kerana terlibat dengan urusan rasmi yang lain. Bagi pihak pengurusan RISDA, saya amat mengalu-alukan dan berterima kasih di atas kesudian Yang Berbahagia Tan Sri Rahim bin Tamby Chik, Pengerusi RISDA yang telah sudi melapangkan masa hadir untuk menyempurnakan Majlis kita pada hari ini. Sesungguhnya kehadiran Tan Sri begitu bermakna kepada semua yang hadir pada hari ini. Sokongan yang ditunjukkan oleh Tan Sri akan menyemarakkan lagi semangat kami semua untuk meneruskan usaha memperkasakan pekebun kecil dan sama-sama membantu

4

negara mencapai tahap pembangunan yang lebih tinggi, InsyaAllah.

Saya juga mengambil peluang di sini untuk mengalu-alukan kehadiran Yang Berhormat Dato' Mohamed bin Awang Tera, Pengerusi Jawatan kuasa Pembangunan Luar Bandar, Usahawan dan Koperasi Negeri Terengganu yang begitu perihatin untuk hadir bersama-sama kita pada hari ini. Juga kepada semua dif-dif jemputan ke Majlis ini, Kehadiran tuan-tuan dan puan-puan menjadi pendorong kepada RISDA untuk memberi perkhidmatan terbaik kepada pekebun kecil dan penduduk di luar bandar khasnya dan juga industri getah keseluruhannya.

5

Tidak lupa juga kepada semua peserta RTBB, TSK, serta pekebun kecil dari seluruh Negeri Terengganu dan pastinya Majlis pada hari ini memberi pengertian yang cukup besar kepada RISDA khususnya dalam meningkatkan dan memperbaiki taraf hidup pekebun kecil di Negeri Terengganu, khasnya kearah mensasarkan pendapatan melebihi RM 2000 sebulan sekeluarga.

## **2.0 SELAMAT MENUNAIKAN IBADAH PUASA**

Di bulan Ramadhan yang penuh berkat ini, saya mengambil peluang ini untuk mengucapkan Selamat Menjalankan Ibadah Puasa kepada semua muslimin dan muslimat. Semoga amal

6

ibadah yang kita lakukan diterima oleh Allah S.W.T. kelak, InsyaAllah.

### **3.0 TUJUAN MAJLIS**

Tujuan RISDA mengadakan Majlis ini pada hari ini adalah untuk menyampaikan keuntungan terkumpul RTBB bagi tahun 2007 dan juga dividen TSK bagi tempoh Januari-Ogos 2008 bagi Negeri Terengganu. Juga penyampaian zakat oleh Anak Syarikat RISDA kepada fakir miskin di kalangan Fakir Miskin Negeri Terengganu yang ditentukan oleh Majlis Agama Islam Negeri Terengganu.

7

### **4.0 PEMBAYARAN DIVIDEN RTBB DAN TSK**

RTBB ini yang dilaksanakan mulai tahun 1974 telah pun membayar dividen mulai tahun 1982. Bagi tahun 2007, pihak RISDA akan menyampaikan dividen yang bernilai **RM 41,322,650.00 (41.3 juta)** khusus bagi **13,986 orang** peserta dengan keluasan lebih kurang **41,322.65 hektar di seluruh negara**. Purata bayaran dividen adalah RM2,954.57 bagi setiap peserta.

Bagi **Negeri Terengganu**, sejumlah **RM 1,769,650.00** keuntungan terkumpul RTBB akan diberikan kepada **762 orang peserta** iaitu meliputi **Skim RTBB biasa dan Skim RTBB**

8

**Koperasi Ladang Pekebun Kecil Malaysia Bhd.** Kadar dividen adalah RM 1,000 seekar. Selain daripada itu, sejumlah **RM 18.5 juta dividen TSK Negeri Terengganu bagi tempoh Januari hingga September 2008** akan juga diberikan kepada seramai ..... orang peserta dengan keluasan ..... hektar.

## **5.0 PEMBAYARAN BANTUAN ZAKAT**

Pada tahun ini, Anak Syarikat RISDA iaitu Estet Pekebun Kecil atau ESPEK dan RISDA Plantation Sdn Bhd atau RPSB telah mengeluarkan zakat untuk diagihkan kepada fakir miskin di seluruh negara. Jumlah zakat oleh ESPEK adalah RM 96,000 dan

9

RPSB adalah RM50,000. Daripada jumlah ini, Negeri Terengganu telah diperuntukkan sejumlah RM26,000 dan zakat ini akan diserahkan kepada 130 orang fakir miskin yang ditentukan oleh Majlis Agama Islam Negeri Terengganu.

## **6.0 PENUTUP**

Saya tidak berniat untuk berucap panjang kerana Tuan-tuan dan Puan-puan tentunya sudah tidak sabar lagi untuk mendengar ucapan daripada Yang Berbahagia Tan Sri Rahim bin Tamby Chik, Pengerusi RISDA pada hari ini. Sekali lagi saya mengucapkan ribuan terima kasih kepada Yang Berbahagia Tan Sri atas

kesudian untuk menyempurnakan Majlis pada hari ini. Setinggi penghargaan juga kepada Yang Berhormat Yang Berhormat Dato' Mohamed bin Awang Tera, Pengerusi Jawatan kuasa Pembangunan Luar Bandar, Usahawan dan Koperasi Negeri Terengganu. Juga para jemputan serta pekebun kecil yang hadir. Tidak ketinggalan juga terima kasih kepada Pn. Hjh. Zainabon bt Ismail, Pengarah RISDA Negeri Terengganu serta Jawatankuasanya yang telah bekerja keras untuk menjayakan Majlis ini. Hanya Allah sahaja yang dapat membalas segala usaha Tuan-tuan dan Puan-puan.

11

Sekian. **Wabillahi Taufik Walhidayah ,  
Wassalamualaikum Warahmatullahi wabarakatuh.**

12